

Tres figura conoci a fallece

ORANJESTAD - Ademas di e fallecimiento di nos conocido ciudadano, sr. Tommy Pietersz a yega tambe noticia tristo for di Hulanda cu aya tambe a fallece srs. Jan van Eyk y P. de Vuyst

Sr. Van Eyk a fallece na edad di 49 anja y pa anjanan largo e tabata hefe di e departamento tecnico di Landsradio- en Telegraafdienst na Aruba. Algun luna pasa, sr Van Eyk a bai Hulanda cu buitenlandse verlof, despues di cual el a hanja ziekteverlof. Na edad di 69 anja a fallece na Hulanda, sr P. de Vuyst kende a yega Aruba na 1939 y tabata comandante na e Kustbatterijn. Despues di guerra el a drenta servicio di Lago. Na 1956 el a bandona servicio di Lago den e puesto di supervisor. Durante su permanencia na Aruba, el a funda na anja 1941 Aruba Flying Club. E luna aki ainda e club a recorda su 25 anja di existencia. Na honor di e senior aki, e pista di aterrizaje di Aruba Flying Club a ser batiza den "De Vuyst Vliegveld."